



Broj: 01/3-50-3-3-2/20
Sarajevo, 23.1.2020.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 28-01-2020			
Organizaciona jedinica	Klasifikaciona oznaka	Redni broj	Broj priloga
01/3-50-18	171	120	

**KOLEGIJU PREDSTAVNIČKOG DOMA
PARLAMENTARNE SKUPŠTINE
BOSNE I HERCEGOVINE**

Predmet: Izvještaj o radu Komisije za 2018., dostavlja se

Komisija za vanjsku trgovinu i carine Predstavničkog doma Parlamentarne skupštine BiH na 2. sjednici, održanoj 23.1.2020., usvojila je svoj Izvještaj o radu za 2018., koji vam dostavljamo u daljnju proceduru, s prijedlogom za usvajanje.

Prilog: Izvještaj o radu Komisije za 2018.

S poštovanjem,

Dostaviti:
-naslovu
-a/a



PREDSJEDAVAJUĆI KOMISIJE

Dr. Dragan Bogdanić



Број: 01/3-50-3-3-2/20

Сарајево, 23.1.2020.

IZVJEŠTAJ O RADU KOMISIJE ZA VANJSKU TRGOVINU I CARINE
ZA 2018. GODINU

Sarajevo, januar 2020. godine

SADRŽAJ:

UVODNI DIO

POGLAVLJE I . AKTIVNOSTI KOMISIJE

Odjeljak A. Zakonodavne aktivnosti

Odjeljak B. Izvještaji o radu

Odjeljak C. Ostale informacije, inicijative i drugi dokumenti

REZIME

Na osnovu člana 32. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15), Komisija za vanjsku trgovinu i carine Predstavničkog doma Parlamentarne skupštine BiH na 2. sjednici, održanoj 23.1. 2020, u s v o j l a j e i Predstavničkom domu Parlamentarne skupštine Bosne i Hercegovine podnosi

IZVJEŠTAJ O RADU Komisije za vanjsku trgovinu i carine za 2018. godinu

UVODNI DIO

Komisija za vanjsku trgovinu i carine Predstavničkog doma Parlamentarne skupštine BiH (u daljnjem tekstu: Komisija) stalno je radno tijelo Parlamentarne skupštine BiH. Njena nadležnost propisana je članom 46. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15).

U skladu s članom 46. Poslovnika Predstavničkog doma, Komisija za vanjsku trgovinu i carine razmatra pitanja koja se odnose na:

- vanjskotrgovinsku politiku;
- sporazume o međunarodnoj trgovini;
- carinsku politiku;
- tarife, propise i zakone iz svoje oblasti;
- međunarodne obaveze Bosne i Hercegovine;
- odnose s međunarodnim trgovinskim institucijama i druga pitanja iz oblasti vanjske trgovine i carina.

Broj i struktura članova Komisije, dužnosti, organizacija rada, sazivanje sjednica, donošenje odluka, saradnja s drugim komisijama i tijelima, metoda rada kao i procedure koje prate osnovne odredbe o zakonodavnim aktivnostima Predstavničkog doma regulirane su odredbama Poslovnika Predstavničkog doma.

U Uredu sekretara Komisije za vanjsku trgovinu i carine Predstavničkog doma Parlamentarne skupštine BiH zaposlena su dva državna službenika: sekretar Komisije i stručni savjetnik u Komisiji.

Opći i posebni poslovi koje obavlja Ured sekretara Komisije regulirani su čl. 21. i 29. Pravilnika o unutrašnjoj organizaciji i sistematizaciji radnih mjesta u Sekretarijatu PSBiH.

Članovi Komisije su: Šemsudin Mehmedović, Nenad Lalić, Nikola Lovrinović, Safer Demirović, Miroslav Milovanović, Nikola Špirić, Mensura Beganović, Mirsad Mešić i Zaim Backović.

Konstituirajuća sjednica Komisije za mandatni period 2014 - 2018. održana je 29. 12. 2014, a prisustvovalo joj je sedam od ukupno devet članova.

Na konstituirajućoj sjednici Komisija je za predsjedavajućeg izabrala Šemsudina Mehmedovića, za prvog zamjenika predsjedavajućeg Nenada Lalića, a za drugog zamjenika predsjedavajućeg Komisije Nikolu Lovrinovića.

U izvještajnom periodu za 2018, tj. od 1. 1. do 31. 12. 2018, Komisija je u okviru svoje nadležnosti održala pet sjednica, i to:

- 22. sjednica održana je 29. 1. 2018. - prisustvovalo 6 članova, sjednica je trajala 1 sat i 30 minuta;
- 23. sjednica održana je 7. 3. 2018. - prisustvovalo 7 članova, sjednica je trajala 15 minuta;
- 24. sjednica održana je 14. 5. 2018. - prisustvovalo 6 članova, sjednica je trajala 1 sat;
- 25. sjednica održana je 28. 5. 2018. - prisustvovalo 5 članova, sjednica je trajala 45 minuta;
- 26. sjednica održana je 5. 7. 2018. - prisustvovalo 6 članova, sjednica je trajala 35 minuta.

26. sjednica Komisije, zakazana za 26. 6. 2018, nije održana zbog nedostatka kvoruma, pa je određen novi termin održavanja sjednice za 2. 7. 2018. Sjednica Komisije ponovo nije održana zbog nedostatka kvoruma pa je predsjedavajući Komisije zakazao sjednicu za 5. 7. 2018. kada je i održana.

27. sjednica Komisije, zakazana za 3. 9. 2018, nije održana zbog nedostatka kvoruma.

Na pet sjednica Komisija je razmatrala ukupno 15 tačaka dnevnog reda.

U okviru tekućih pitanja nije bilo rasprava, osim na 22. sjednici kada je predsjedavajući Komisije upoznao prisutne članove Komisije da je 22. 1. 2018. u posjeti Komisiji za vanjsku i trgovinsku politiku, carine, saobraćaj i komunikacije Doma naroda PSBiH i Komisiji za vanjsku trgovinu i carine Predstavničkog doma PSBiH bila delegacija Svjetske trgovinske organizacije koju je predvodio Atanas Paparizov, ambasador Republike Bugarske pri Svjetskoj trgovinskoj organizaciji i predsjedavajući Radne grupe za pristupanje Bosne i Hercegovine Svjetskoj trgovinskoj organizaciji. S ovom delegacijom održan je sastanak na kojem se razgovaralo o procesu pristupanja Bosne i Hercegovine Svjetskoj trgovinskoj organizaciji.

Komisija je na osnovu rasprava i analiza usvajala mišljenja, zaključke i davala prijedloge.

Prosjek trajanja sjednica Komisije bio je 49 minuta, a prisustvo članova sjednicama Komisije izraženo u procentima je 66%.

POGLAVLJE I. AKTIVNOSTI KOMISIJE

Odjeljak A. Zakonodavne aktivnosti

U izvještajnom periodu nije bilo prijedloga zakona za razmatranje.

Odjeljak B. Izvještaji o radu drugih institucija iz nadležnosti Komisije

U toku 2018. godine na sjednicama Komisije razmatrani su izvještaji o aktivnostima institucija Bosne i Hercegovine za koje je nadležna ova komisija, i to:

1. Izvještaj o radu Upravnog odbora Izvozno-kreditne agencije BiH za 2017. godinu, broj: 01,02-50-19-874/18 od 3. 4. 2018;
2. Izvještaj - detaljna analiza rada Izvozno-kreditne agencije Bosne i Hercegovine s posebnim naglaskom na poslovanje Unisa - fabrike cijevi Derventa, s prijedlogom mjera za rješavanje problema u radu ove agencije, broj: 01-50-1-15-50/17 i broj: 01-50-19-1222/18 od 17. 5. 2018.

Komisija je blagovremeno razmotrila dostavljene izvještaje i Predstavničkom domu dostavila mišljenje o Izvještaju.

Odjeljak C. Ostale informacije, inicijative i drugi dokumenti

Osim izvještaja o radu drugih institucija Bosne i Hercegovine, Komisija je u okviru svoje nadležnosti razmatrala poslaničku inicijativu Denisa Bećirovića.

- Inicijativa poslanika Denisa Bećirovića, broj: 01-50-1-2920/17 od 19. 12. 2017, koja glasi: *„Na osnovu člana 8. Poslovnika Predstavničkog doma Parlamentarne skupštine BiH (Službeni glasnik BiH, br. 79/14, 81/15 i 97/15), podnosim poslaničku inicijativu kojom se zadužuje Kolegij Predstavničkog doma Parlamentarne skupštine BiH da, u saradnji s Vijećem ministara BiH i najkasnije u roku od 7 dana od dana podnošenja ove inicijative u Predstavničkom domu Parlamentarne skupštine BiH, sazove sjednicu Predstavničkog doma Parlamentarne skupštine BiH na kojoj bi se razmatrao i usvojio Strateški plan ruralnog razvoja Bosne i Hercegovine.“*
- Dopuna Informacije o realizaciji zaključaka s 45. sjednice Predstavničkog doma Parlamentarne skupštine BiH, čiji je podnosilac Uprava za indirektno oporezivanje BiH, broj: 01-50-1-15-706/18 od 16. 3. 2018.
- Prijedlog strateškog plana ruralnog razvoja Bosne i Hercegovine (2018 - 2021) – okvirni dokument, broj: 01,02-28-108-2/18 od 16. 1. 2018.

- Izvještaj o radu Komisije za vanjsku trgovinu i carine za 2017. godinu.
- Prijedlog orijentacionog radnog plana Komisije za 2018. godinu.

Ured sekretara Komisije izrađivao je mišljenja koja je Komisija usvojila u vezi s razmatranim izvještajima, te pripremio Izvještaj o radu Komisije za 2017, koji je Komisija usvojila i poslala na razmatranje Predstavničkom domu PSBiH. Također, izrađivao je obavještenja i zaključke koje je Komisija usvojila na sjednicama.

Članovi Komisije, kao i zaposleni u Uredu sekretara Komisije, prisustvovali su seminarima i prezentacijama koje su se odnosile na nadležnost ove komisije.

REZIME

Na osnovu navedenih aktivnosti Komisije, može se zaključiti da je Komisija u okviru svojih nadležnosti u potpunosti realizirala postavljene zadatke.

Komisija je posebno saradivala s Ministarstvom vanjske trgovine i ekonomskih odnosa BiH, UIO BiH, Izvozno-kreditnom agencijom BiH, Komisijom za vanjsku i trgovinsku politiku, carine, saobraćaj i komunikacije Doma naroda, radi obavljanja poslova iz nadležnosti Komisije.

Službe Sekretarijata Parlamentarne skupštine BiH pružale su blagovremeno stručnu i tehničku pomoć u radu Komisije s ciljem realizacije aktivnosti Komisije.

Prilog: tabele 1. i 2.



PREDSDJEDAVAJUĆI KOMISIJE

Dr. Dragan Bogdanić

Dr. Dragan Bogdanić

Tabela 1.**PRISUSTVO ČLANOVA KOMISIJE ZA VANJSKU TRGOVINU I CARINE
PREDSTAVNIČKOG DOMA PARLAMENTARNE SKUPŠTINE BiH U 2018. GODINI**

Broj i datum održavanja sjednice	Broj razmatranih tačaka dnevnog reda na sjednici	Broj članova prisutnih sjednici Komisije	Broj članova odsutnih sa sjednice Komisije
22. sjednica, održana 29. 1. 2018.	5	6	3
23. sjednica, održana 7. 3. 2018.	4	7	2
24. sjednica, održana 14. 5. 2018.	4	6	3
25. sjednica, održana 28. 5. 2018.	3	5	4
26. sjednica, održana 5. 7. 2018.	3	6	3
Ukupan broj održanih sjednica 5	Ukupan broj razmatranih tačaka 16	Prosjek prisutnih: 6	Prosjek odsutnih: 3

Tabela 2.

**TABELARNI PRIKAZ ODRŽAVANJA SJEDNICA
KOMISIJE ZA VANJSKU TRGOVINU I CARINE PREDSTAVNIČKOG DOMA PARLAMENTARNE SKUPŠTINE BiH
S PRISUSTVOM ČLANOVA KOMISIJE SJEDNICAMA U 2018.**

	Šemsudin Mehmedović	Nenad Lalić	Nikola Lovrinović	Safer Demirović	Miroslav Mitovanović	Mirsad Mešić	Zaim Backović	Nikola Špirić	Mensura Beganović	Od ukupno 9 članova prisutno
22. sjednica 29. 1. 2018.	+	-	+	+	-	+	+	-	+	6
23. sjednica 7. 3. 2018.	+	+	+	+	-	+	+	-	+	7
24. sjednica 14. 5. 2018.	+	-	+	+	-	+	+	-	+	6
25. sjednica 28. 5. 2018.	+	+	-	-	-	+	+	-	+	5
26. sjednica 5. 7. 2018.	+	+	-	+	-	+	+	-	+	6